

Zeitschrift: Schwyzerlüt : Zyschrif für üsi schwyzerische Mundarte

Band: 10 (1948)

Heft: 1-3

Artikel: Liäbi

Autor: Beglinger, Leonie E.

DOI: <https://doi.org/10.5169/seals-182052>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 09.08.2025

ETH-Bibliothek Zürich, E-Periodica, <https://www.e-periodica.ch>

z'Neuhuuse händ er und si Schwöster mit enand e grunnini Milch ggesse und dem Buur, won ene si ggy hät, füüfevierzg Dugohte i's Becki ine glaat. Sed doo hät z'Schaffhuuse d'Milch so fürchtig uffschlage.

De Vetter hät si's natürlich nid nih luu, alli Keiser und König, wo chuu sind gu de Rhyfall aaluege, selber ane z'füere, a wa führen Ort si händ welle, in Zürilauffe dure, oder an große Felse ine. Alli hohe Häupter händ en persönlich kennt, und er hät si gar nid scheniert mit ene. Der Aant hät er gfröget, we's diham stönd, wå d' Frau Keiseri machi, we aalt iez 's eltscht Keiserli sei und öb 's jüngst o schu i d'Latyschuel göng; amene Andere hät er gsaat, er sei mit sim Vatter selig, em aalte König, o übere gfahre; bim Dritte hät er si erkundiget, we's bi imm umenand in Rebe uussehi, und öb d'Frucht bi ihne fern o so tüür gsy sei we bi üüs; en Vierte hät er e bitzili gschanzenlet, er sei gwüss en Hochzyter; aber, hät er gmachet, wa wüür o d'Jumpfer Prinzessin Bruut säge, wenn er ezt im Lauffe vertrinkti! Churz, er hät vu Allem gwüst z'sprooche, wa so Potendate gern höred.

Nid nu Monarche, sundere o Kunstmooler, Studente, Chaufferre vu Basel, Engländer, Rootsherre vu Zürich, Bärn und Luzern und ander vornemm Lüüt sind chuu gu de Lauffe gugge. De Vetter hät all zäme selber dure gfüert, wenn 's imm naame möglich gsy ist; heredgege was Chaufmesbedienti, Preusse, Professor, Jude, Liedermacher, wo um e Bießli e ganzi Syte voll schmiered, Bareplühmanne und süst eso Halbherre gsy sind, die hät er nu dur d'Chnecht übere stoße luu . . .

Joh. Heinr. Bökli
Us: O. Sutermeister „Schwizer--Dütsch“
Verlag Orell-Füssli, Zürich

Liäbi

So heiter wiä n ä Summertaag,
so gstyft wiä jeedä Stundäschlaag —
so chöschtlí wiä n Eedelstei,
so zaart wiä Oepfelbluäscht im Mai ---
so luuter wiä dr Morgätau,
so tüüf wiä Enziaanäblau —
so seelig wiä n Roosä blüährt,
so innig wiä n äs Amselliäd —
so gsäggnet wiä n Muätterhand,
so heilig-nooch wiä ds Heiwehland —
so offä wiä n ä Spiägelgrund:
uufrichtig, treu und eehrli — und
so fescht wiä d Stärnäbahnä stünd,
so mild wiä ds eebig Liächtli brünnt ---
und wiä dr glaarigscht Sunnäschii
so heiß — soll rächti Liäbi sii! —

Leonie E. Beglinger.